

La scripziun da c e z

c vegn scrit:

- avant **e** (*celebrar, cella, center, december, recepir*)
- avant **i + cons.** (*circa, citad, difficil, musicista*)
- suenter **s**, pia sc: (*scena, scienza, conscient*)

excepziun: plets cun **deci** e **soci** (*deciliter, decimal, social, societad, associaziun*)

z vegn scrit en tut ils auters cas, en particular era:

- avant **i + vocal** (*spezia, uffizial*)
(sch'i na preceda betg in s, sco en *conscient*, etc., cf. sura)
- avant **i a la fin dal pled** ed **a la fin dal pled in summa** (*edifizi, uffizi, niz, piz*)

Excepziuns da la regla c avant e ed avant i + cons. en rg

Excepziuns da questas reglas datti surtut en plets esters ed al cumenzament dal pled, nua ch'ins po chattar il z era avant e ed *i + cons.*

Appenzell	magazin	zerclar
Appenzellais	manzegna	zerclim
benzin	manzegnus	zerclin
bulldozer	nizzegiar	zezen
chalzer	ozendi	zic
chalzerada	revoluzzer	zichel
chalzerar	svizzer	ziczac
chavazzin	Svizzer	zighingher
chavazzina	terzet	zila
chazzetta	tozzel	zin
clavazin	zebra	zinc
crizer	zecca	zincar
cutizzim	zechin	zinsla
cuzer	zefir	zip
eczem	zeli	zipla
empizzida	zelot	ziplada
empizzir	zenit	ziplar
fanzegna	zeppelin	zitga
gazella	zercladur	

verbs sin –zar: -zescha